

胡都克在策勒縣北境，距縣城約三十里，距最北之村落亦十餘里，爲大沙漠南之第一站有水處（插圖柒，2）。在大沙漠與草地中間，因風沙與紅柳之組合，形成無數紅柳格達（即紅柳沙堆），棋布荒漠灘上。其形如小圓丘，由沙泥組成，高約五六米，上生紅柳。凡此小丘，既可防止風沙，一旦有水，亦可變爲沃壤。二十九日繼續前進，後轉東行，經村莊北面，穿行紅柳格達，住於古乃瑪莊最北之可拉克莊。爲尋訪達摩戈古迹之據點也。

2. **達摩戈一帶古址** 在和闐、于闐兩河中間之古蹟，可分爲三大區：一爲古和闐河流域，即玉璫哈什河流域，以阿克斯比爾及什斯比爾爲中心；一爲達摩川流域，以特爾格拉木及旦當烏利克爲中心；一爲克里雅河流域，以喀拉屯爲中心。除和闐河即玉璫哈什河，俟由於闐返和闐考查時敍述外，現爲便於敍述路綫，先述達摩戈古址。

達摩戈爲一新村，有達摩川水，源于南山，北流至現達摩戈灌地後沒入沙。舊達摩戈尚在其北約三十餘里。原達摩川北流，通過舊達摩戈北面古址，流至旦當烏利克古址，入古于闐河，以後斷流僅流至舊達摩戈以北而止。近五十年來，舊達摩戈亦變爲廢墟，水源僅至新達摩戈；而以北之達摩川乾河床，僅存古時流水痕跡而已。在達摩川以西，有卜納克河向北西流，至卡納沁北入沙。吾人考查路綫，先沿卜納克河訪四大麻札，至卜納沁，再轉達摩戈古址考查，而至于闐。四月三十日余等由可拉克莊出發初向北偏東行，後沿卜納克乾河轉北偏西行，卜納克河據本地人說：「由達摩戈河分出北西流，過卜納克莊，故名卜納克河」。河寬約十五，深約二米，流於力濟阿特麻札之北入沙。力濟阿特麻札爲于闐四大麻札之一。據本地人傳說：「當伊斯蘭教初來時，與蒙古人戰，敗死，葬其地，因立爲麻札。每年三月間作麻札大會以祭」。尚有吳六雜提麻札，在力濟阿特麻札之北偏西約二十五里左右。尚有確畔阿塔及所不及麻札在其東，達摩川附近。在力濟阿特麻札附近，陶片散布紅泥灘上區域甚廣，可證此地爲古時廢棄之村落。由於紅泥灘上縱橫界域之劃分，顯示爲古人居住之遺跡。陶片均作紅色，內含青泥，上有籃紋及水波紋，但吾人在此尚未覓出可以鑒定遺址時代之證據。五月一日上午九時，由力濟阿特麻札向西及西北行，經行一乾河，略有紅柳格達及沙磧，每當流沙開處，即有瓦礫散布。下午二時，抵吳六雜提麻札。在麻札附近周圍約二十里，陶片散布極廣，觸目皆是，並有寬廣約一·五米之傾圮建築，似古房屋遺址。以木材塗泥爲牆壁，駢列成行，顯示此地爲古人之住宅區域。但已被外人盜掘，無遺物可檢。此處墓葬亦多，吾人試掘一墓，下現長方形洞窟，口徑大者寬一，長一·四米。小者長約一，深一·三米左右。上小下大，中儲人骨。人骨爲白布包裹，無衣衿棺槨。墓口以草和木材組成爲搭覆蓋其上，若不發掘，幾不知其爲墓葬也。在此附近，亦有紅色夾青泥陶片，與力濟阿特麻札陶片同。又拾一無孔銅錢，據本地人說：「爲維族初來時所通用之錢幣」。兩面均鑄有以阿拉伯字母拼寫之柯斐體文字，與喀什噶爾哈奈所出者同，疑皆十一世紀